

Amon L'docteûr

Saynète pour 2 enfants

De

Paul RENSON

Le Docteur (le petit garçon)

La patiente (la petite fille)

Le docteur fait entrer la patiente dans son cabinet de consultation.

Docteur : c'est-a vos' tour madame. Intrez.

Patiente : Bondjou moncheû l'docteur.

Docteur : Bondjou madame. Kimnint v'va-ti ?

Patiente : Oh fwèrt bin moncheû l'docteur. Merci.

Docteur : Oho ! Bin volà on drol di malåde !

Patiente : Pokwè, vos n'vèyez wêre di parêye qui mi ?

Docteur : Bin va nèni.dès malâdes qui s'pwèrtèt bin, n'a nin bêcôp !

Patiente : Eune saquî, on s'sé sognî parèt !

Docteur : Vos-avez raison madame. Mins d'abôrd, qui v'nez-ve fé chal ?

Patiente : Èt bin volà docteur ; po deus raisons. Po k'mincî, dji v'vêreûs bin ine ôrdonance.

Docteur : Eune ôrdonance ! pokè fé si vos n'èstèz nin malåde ?

Patiente : Dji n'sos nin malåde pasqui dji m'sognemi minme a tims èt a eûre.

Fât v'dîre qui dji n'a mâye avou fwèrt fiyate divins lès docteurs parèt mi.

Docteur : Volà ti n'drole d' îdèye. Poqwè ?

Patiente : Dispôye qu'on m'a drovou po l'apindicîte !

Docteur : Vos vèyez bin. Cis' djou-la, si vos n'avîz nin avou on méd'cin po v'riwèri !

Patiente : Awè vos ! Co on pô, câse di lu, dji moure !

Docteur : Kimint çoulà ?

Patiente : Èt bin po n'rin v'catchî, ci docteur-la qu'èsteut fwèrt roûvisse...

Docteur : Qu'aveut-i roûvî ?

Patiente : Si paraplu èt n'paire di gants.

Docteur : Çoulà arivea tot l'monde, èdon madame, surtout às grands savants !

Ainsi li l'ôte djou, dj' aveû roûvî mi-auto so l'grand-plèce !

Patiente : Èt bin eureûs' mint qui c' n' esteût nin vos po mi-apindîcîte !

Docteur : Mi ou ine-ôte, ç' areût stou porèye mi sonle-ti !

Patiente : Ça fait qu' por vos, c' areût stout l' minme affaire dè roûvî vost' automobile chal è m' vinte !

Docteur : Poqwè ??? Li paraplu èt l' paire di gants ? !!

Patiente : Come dji v' s' èl dit !

Docteur : C' èst tol minme on pô fwèrt !

Patiente : M' a falou n' deuzinme opèracion po hètchî tot fou... èt on n' èst nin co sûr qui l' dièrin-ne balin-ne dè paraplu...

Docteur : C' èst po çoulà qui vos v' tinez si dreûte probâbe !

Patiente : C' èst po çoula qui lès méd' çins èt mi on n' fait nin fwèrt bon manèdje. Dji v' s' èl dit come djè' l' pinse !

Docteur : Vos n' tûsez nin tol minme qui sont turtos parèyes ? !

Patiente : Bin sûr ! I n' a cop é ! lès cis qui roûvièt leu z-automobile !

Docteur : C' esteut po blaguer èdon vos !

Patiente : Vos blaguez trop djusse ! Mi volez-ve fé mi-ôrdonance siv' plait, pwîs dji v' pâyrèt so l' côp.

Docteur : Mins qui fât-i mète diddus ?

Patiente : Dji v' s' èl va dire. Sicrihez. Dji n' èplôye qui lès r' mède di d' vins l' timps parèt mi. Mins fât bin n' ôrdonance po z' aveûr lès drouks so l' compte dèl mutuèle.

Docteur : Dji v' hoûte.

Patiente : Farène di moståde ; on kilo ; c' èst po m' tchèt. Sé anglais ; deûs kilos ; c' èst po m' tchin. Treûs botèyes di formol ; c' èst po mi-ome.

Docteur : Poqwè fé lu... ?

Patiente : I sowe di s' dreût pîd !

Docteur : Aha !... C' èst fwèrt bon tot çoula. Èt por vos i n' fât rin parquer

Patiente : Por mi ? Rin dè monde. Dji v' s' a dit qui dj' esteûs n' a nin pus hêtèye ! Dji m' sogne mi-minme avou Dès jèbes qui dj' va côper è bwès. Ainsi dji n' sos màye pus malåde. Vos d' vrîz fé l' sâye ossi. Vos n' avez nin co si bèle maye ! Vos d' vez t' èsse nâhi !

Docteur : Bin hoûtez nosse dame, vos...

Patiente : wès' rîz-ve acèrtiner qui vos n' èstèz nin nâhi èt qu' vos' v' pwèrtez si bin qu' çoula ?

Docteur : Nèni bin sûr... Come tot l' monde asteûre, dji vique so mès nièrs !.

Patiente : Vos vèyez bin ! Volez-ve qui dji v' done, mi r' cète ? Vos prindrez di m' thé èt so treûs-qwate djous vos v' sintrez ine ôte ome !

Docteur : Crèyez-ve qui... ?

Patiente : Sa yîz-l todis, vos veurez. Dji v'garanti qui çoulà v'frèt fè bin ! Vos v's aporçurez bin sûrmint qui
Dji sos d'morêye djône èt frisse !

Docteur : Dji deûs riknohe qui vos avez n'bèle mène. Èt bin qui vasse parèt. Ni sèreûse qui po v'fé plaisir.

Patiente : A la bone-eûre. Dji v's'avôy'rè d'min djusse lès jèbes qui v'fât po v'rimète d'aplomb !

Docteur : Volà mouke eune sakwè qu'on n'a mâye pus vèyou : on malåde qui n'l'est nin èt qui vint vèyi
l'docteur po li fé prinde sès drougs ! Tinez volà vos ôrdonance.

Patiente : Merci. Kibin v'deûs-dje ?

Docteur : Rin dè monde nosse dame ! Dji m'rafèye dèdja dè prinde vos' thé ! Èt po çoulà mi, kibin...

Patiente : Vos n'vorşiz nin tol minme ! Consultâcion po consultâcion ! Sâv' on p'tit chèrvice portant. Li
deuzinme raison qui m'amon-ne chal oûy, come djèl dihéve torte...

Docteur : Djâzé ! Dji sèrè bin Binâhe si dji v'poû fé plaisir.

Patiente : C'est fwèrt âhèye.. Mi pôriz-ve mète so l'mutuèle po n'samin-ne ou minme deûs ? Po çoulà i m'fât
Bin sûr on papi po l'maisse wîce qui dj'ouveûre. C'est qu'c'est fwèrt nâhiant dè cori d'vins lès
bwès po ramasser mès jèbes !

Docteur : Ah mins çoulà nèni ! On fât cèrtificat, alez-le kwèri ôte pâ ! v'la qu'dji comprinds aprûme vosse manigance
nosse dame ! Hoûtez, lèyans-le â rése èt dji v'prèye dè sôrti.

Patiente : Èye qué boubièt d'docteur ! Bin sûr qui v'va ôte pâ wîce qui dj'sèrè chèrvowe !

Docteur : Volez-ve vaner è vôle ! Qwuand dji tûse qui dja mâqué di mù'lèyî prinde !

Patiente : Tot dreût qui djè nn'è va, mins v'nârez nin vos' thé ! (*Elle sort poursuivie par le docteur*)

Docteur : Wârdez vos jèbes. Po vos' tchès po vos' tchin, por vos èt po vos t'ome !

(Puis le docteur revient vers le public et lui dit)

Tot çouchal po v'mostrer, si vos nn'è dotîz co, come lès feumes polèt-èsse pus tourçiveûses qui nos.